

თერჯოლის მუნიციპალიტეტში რეგისტრირებულ მარტოხელა მშობლის სოციალური დახმარების
2022 წლის პროგრამის დამტკიცების შესახებ

მუხლი 1. ზოგადი დებულებები:

- ა. პროგრამის სახელწოდება: თერჯოლის მუნიციპალიტეტში რეგისტრირებული მარტოხელა მშობლის სოციალური დახმარების პროგრამა.
- ბ. პროგრამის დაწყების და დამთავრების თარიღი: 01 იანვარი 2022 წელი – 31 დეკემბერი 2022 წელი.
- გ. პროგრამის ბიუჯეტი: 16 000 (თექვსმეტი ათასი) ლარი.
- დ. პროგრამის დაფინანსების წყარო: თერჯოლის მუნიციპალიტეტის 2022 წლის ბიუჯეტი.
- ე. პროგრამის მოსარგებლე ბენეფიციართა სოციალური დახმარების თანხა: მარტოხელა მშობლის სტატუსის მქონე ბენეფიციარზე 100 (ასი) ლარი ყოველთვიურად.
- ვ. პროგრამის განხორციელებაზე პასუხისმგებელი ორგანო: თერჯოლის მუნიციპალიტეტის მერია.

მუხლი 2. ტერმინთა განმარტება:

მარტოხელა მშობელი არის მარტოხელა დედის ან მარტოხელა მამის სტატუსის მქონე პირი.

მუხლი 3. პროგრამის მიზანი და მოსალოდნელი შედეგები:

გაეწიოს და გაუმჯობესდეს სოციალური მდგომარეობა მარტოხელა დედებს (მამებს).

მუხლი 4. პროგრამით მოსარგებლე პირთა კატეგორია:

თერჯოლის მუნიციპალიტეტში რეგისტრირებული მარტოხელა მშობელის სტატუსის მქონე პირი, რომელსაც ყავს 18 წლამდე ასაკის შვილი.

მუხლი 5. დაფინანსების მიღებისათვის საჭირო დოკუმენტაცია:

- ა. განცხადება მერის სახელზე;
- ბ. დახმარების მიმღები პირის პირადობის მოწმობის ასლი;
- გ. ბავშვის დაბადების მოწმობა;
- დ. მარტოხელა მშობლის დამადასტურებელი დოკუმენტი;
- ე. დახმარების მიმღები პირის პირადი ანგარიში.

მუხლი 6. მარტოხელა მშობლის დაფინანსების მიღების წესი:

1. თერჯოლის მუნიციპალიტეტის მერიაში წარდგენილ განცხადებას განიხილავს თერჯოლის მუნიციპალიტეტის მერიის ჯანდაცვისა და სოციალურ საკითხთა სამსახური და თანდართული დოკუმენტაციის პროგრამასთან შესაბამისობის დადგენის შემდეგ ამზადებს მერის ბრძანების პროექტს.
2. მუნიციპალიტეტის მერის ბრძანების გამოცემის შემდეგ თანხის გაცემას უზრუნველყოფს მუნიციპალიტეტის მერიის საფინანსო-საბიუჯეტო სამსახური მოქმედი კანონმდებლობის შესაბამისად უნაღდო ანგარიშსწორების ფორმით.

თერჯოლის მუნიციპალიტეტის საკრებულოს
თავმჯდომარე გიორგი ბარათაშვილი

